

### 《三貓軒詩詞稿》

清初陸氏題三魚堂以誌記先祖德操，後陸隴其著書即名《三魚堂文集》。今我獨居，唯三貓同室，雖余德之孤，不得三魚述美，然三貓拯我沉溺寂寥，發為醉詩翫詞，亦補性靈。

### 現代電器七絕五首

#### 〈滑鼠〉

身型只合掌心緣，點破乾坤萬里天。人指豈知貓爪意，鼠名何罪自悲憐。

#### 〈螢幕〉

方櫺尺許象無窮，指下桌前自不同。一任螢光千萬緒，何如戶牖對蒼穹。

#### 〈隨身碟〉

幾負忠貞幾度休，詩文滿腹更懷愁。塵埃不定無人掃，百病纏身惹怨尤。

#### 〈鍵盤〉

字母橫行幾得真，無需弄墨道傳神。隨心十指文章出，紙筆荒閒滿垢塵。

#### 〈手機〉

昔日情長紙短遲，而今片刻訴相思。人間世事螢屏見，卻似雲煙霎那時。

### 記論文學事七律五首

#### 〈讀《山月記》〉

儒子輕狂狷氣高，無心宦海似籠牢。辭官立命嘲同濟，閉戶為文笑爾曹。悲憤此生成餓虎，詞章滿腹寄毫毛。凡人苦作詩家夢，志業才情寄濁醪。

#### 〈世界書局購《蕙風詞、蕙風詞話》并序〉

研究以詞學探究為業，故自許點校況氏《蕙風詞、蕙風詞話》，遂北上購之。才疏筆淡望蒼穹，北路迢迢覓蕙風。道上人聲如集市，門間木影似鬢宮。才思只在詩文裡，志業常存古籍中。一冊詞心千萬緒，歸途默默意無窮。

#### 〈重慶南路尋書有懷〉

都城故景已無多，雜貨紛喧似病痾。筆墨憂虞雲五廈，詩文悵惋未央歌。開門飯館迎饕客，跣足書生望舊窠。昔日繁華今盼許，吟思駐履奈如何。

#### 〈網路難戒〉

夜入幽來我故常，螢屏爍影作流觴；書間百念憑何語？網上千奇任自佯。歷碌偷時聞過客，閒餘渡日忘鬢庠；方櫺萬象多才識，只是今宵已愴惶。

#### 〈擬閨怨并序〉

論文未完，苦守書房而無功，擬之。

昨夜春宵似落霞，空閨錦鏞嘆年華。流光黯影清商曲，冷月寒風翠薄紗。獨倚軒欄傷柳絮，輕彎素手弄琵琶。千愁萬緒誰人惹，道是幽屏伴蠟花。

### 〈賀新郎〉詠三國人物詞三闋

〈賀新郎·定格〉（以龍沐勛《唐宋词格律》為準）

+ | -- | (韻) | -- (豆) + - + | (句) | -- | (韻) + | + -- + |  
(句) + | -- + | (韻) + | | (豆) -- + | (韻) + | + -- + | (句) |  
+ - + | -- | (韻) + | | (句) | - | (韻) + - + | -- | (韻) |  
-- (豆) + - + | (句) | -- | (韻) + | + -- + | (句) + | -- + |  
(韻) + | | (豆) -- + | (韻) + | + -- + | (句) | + | + | -- | (韻)  
+ | | (句) | - | (韻)

### 〈賀新郎·呂奉先〉

烈焰颯風疾。現天姿、人中呂布，鬼神驚泣。百步穿楊猶飛將，何懼旌旗林立。軍陣處、諸侯悸慄。激戰虎牢關防外，鬪三英、掀舞方天戟。經百仗，盡無敵。

兗徐威震英雄迫。卻差失、白門樓下，乞饒慌急。勾踐臥薪韓信辱，怎道溫侯無識。斷不予、江山社稷。勝者由來多佳話，問史冊漫語多猜臆。總悵恨，汗青筆。

### 〈賀新郎·魏文長〉

荊楚援昭烈。弑韓玄、長沙歸順，遇危無懼。入蜀建功牙門將，可曉誠心似鐵。論忠義、情昭日月。十萬曹兵皆吞嚙，領漢中鎮遠驚宮闕。比五虎，亦豪傑。

奇謀子午如煙滅。恨軍前、孔明無識，壯心何絕。圍困上方誅司馬，業火哀歌淚血。千古罪、天生反骨。多少英魂成懷想，嘆夢麟生角徒悲切。誰為爾，立名節。

### 〈賀新郎·趙子龍〉

捲起千堆雪。躍磐河、銀槍初現，冀州驚怯。長阪衝鋒揚涯角，踏破征袍旄鉞。闖敵陣、黃沙颯颯。軍略虎威留史冊，憶常山至此空悲切，卸白甲，弔英傑。

燎原烽火何時沒？問前人、可曾忘卻，恨生華髮。日落黃河誰能見，三國雄豪已歿。記一世、彪勳功業。慨嘆古今多少事，願濁酒一醉邀明月。追往事，盡煙滅。

### 〈十六字令〉夜懷二闋

〈十六字令·定格〉（以龍沐勛《唐宋词格律》為準）

- (韻) + | -- | | - (韻) -- | (句) + | | -- (韻)

### 〈十六字令·夜懷〉

懷。試問私情暗付猜。雲中月，山霧曉生霾。

### 〈十六字令·夜懷〉之二

猜。寧待相思染露臺。風吹盡，何處問生涯。